

U G O V O R

Zaključen između Ugovornih strana:

KANTONALNI STAMBENI FOND SARAJEVO, Sarajevo, ul. Hiseta 13A, kojeg zastupa: direktor **Belma Barlov, dipl.ing.arh.**, (u daljem tekstu **Naručilac**), sa jedne strane

i

ENERGOPETROL d.d. Sarajevo, ul. Azize Šaćirbegović 4b, Sarajevo, ID broj: 4200163020002, kojeg zastupa direktor Ante Aralica (u daljem tekstu **Dobavljač**), sa druge strane

Član 1

(Predmet Ugovora)

Predmet ovog ugovora je nabavka i isporuka (*kupovina*) robe-goriva za potrebe Naručioca nakon provedenog postupka javne nabavke putem Direktnog sporazuma i Odluke o izboru najpovoljnijeg ponuđača, broj: 02-03-790-3/20 od 10.08.2020. godine, a prema ponudi Ponuđača, broj EP0.6.1-3-852/20 od 15.07.2020. godine, koja je njegov sastavni dio.

Član 2.

(Vrijednost ugovora-cijena)

(1) Ukupna maksimalna vrijednost ovog ugovora bez PDV-a sa uračunatim popustom iznosi **4.893,24 KM** (slovima: četirihiljadeosamstotinadevedesetri i 24/100 KM), odnosno sa uključenim PDV-om i uračunatim popustom iznosi **5.725,09 KM** (slovima: pethiljadasedamstotinadvadesetpet i 09/100 KM).

(2) Maksimalna vrijednost ovog ugovora bazirana je na maksimalnoj okvirnoj godišnjoj količini goriva, koja se planira nabaviti u ugovorenom periodu.

(3) Ugovorni organ zadržava pravo potpune ili djelimične realizacije nabavke prema svojim potrebama.

Član 3.

(Cijene ponude)

(1) Ponudene cijene Dobavljača sadrže sve naknade koje Naručilac treba platiti Dobavljaču i Naručilac ne smije imati dodatne troškove osim onih navedenih u Obrascu za cijenu ponude.

(2) Ponudene - ugovorene jedinične cijene mogu se mijenjati u zavisnosti od kretanja cijena nafte na svjetskom tržištu.

(3) Promjena jediničnih cijena robe podrazumijeva povećanje i smanjenje u odnosu na cijene precizirane Ponudom Dobavljača.

(4) Dobavljač je dužan da o svakoj promjeni cijene nafte i naftnih derivata pismeno obavijesti Naručioca.

(5) Obavijest o promjeni cijene nafte i naftnih derivata mora biti ovjerena od strane Federalnog ministarstva trgovine primjenom zakona Bosne i Hercegovine, odnosno Federacije BiH koji važe u vrijeme formiranja ponude.

(6) U slučaju značajnih promjena na tržištu koje utiču na cijene goriva što podrazumijeva više ili niže cijene u odnosu na cijene precizirane Ponudom Dobavljača, Ugovorne strane zadržavaju pravo da pismenom obaviješću otkazu ovaj ugovor.



Član 4.
(Rok i način isporuke)

- (1) Dobavljač je dužan da Naručiocu počne isporučivati gorivo dan nakon potpisivanja ovog ugovora.
- (2) Dobavljač se obavezuje da isporuči gorivo iz člana 1. ovog ugovora u svemu pod uslovima iz prihvaćene ponude.
- (3) Dobavljač se obavezuje Naručiocu dati EP kartice za oba službena motorna vozila na korištenje po potpisivanju ovog ugovora i po dostavi Pristupnice za EP kartice.
- (4) EP kartice Naručilac može koristiti na benzinskim stanicama Energopetrola.
- (5) Naručilac se obavezuje da dostavi Dobavljaču obavijest o vozilima koja su u vlasništvu Naručioca.

Član 5.
(Način plaćanja)

- (1) Za obavljenu isporuku, Dobavljač se obavezuje da ispostavlja mjesečne fakture sa priloženom specifikacijom koja sadrži :
 - datum obavljene isporuke,
 - registarsku oznaku službenog vozila,
 - ovjeru ovlaštenog lica za obavljenu isporuku.
- (2) Specifikacija i dostavljena faktura iz stava 1. ovog člana za Naručioca predstavlja osnov za plaćanje ugovorene cijene.
- (3) Naručilac se obavezuje da u roku od 30 dana od prijema ispravno ispostavljene fakture, izvrši plaćanje na račun Dobavljača.

Član 6.
(Mjesto isporuke)

- (1) Mjesto isporuke je na benzinskim stanicama Dobavljača na području Federacije BiH.
- (2) Smatra se da je izvršena adekvatna isporuka kada ovlašteno lice Naručioca (vozač) na mjestu isporuke izvrši kvalitativan i količinski prijem goriva, što se pismeno potvrđuje potpisom prisutnih ovlaštenih lica Naručioca i Dobavljača.

Član 7.
(Period važenja Ugovora)

- (1) Ovaj ugovor se zaključuje na period od 12 mjeseci.
- (2) Odredbe ovog ugovora ne mogu se mijenjati nakon njegovog zaključenja.

Član 8.
(Raskid Ugovora)

U slučaju da se utvrdi da jedna od ugovornih strana ne izvršava ili neuredno izvršava obaveze prema ovom ugovoru, druga strana ima pravo na raskid Ugovora, o čemu će pismenim putem obavijestiti ugovornu stranu koja ne izvršava ili neuredno izvršava svoje obaveze, u roku ne dužem od tri (3) dana nakon saznanja o neizvršenju ili neurednom izvršenju.

Član 9.
(Viša sila)

- (1) Naručilac i Dobavljač se neće smatrati odgovornim za kašnjenje u ispunjavanju obaveza prema ovom ugovoru ako je kašnjenje uslijedilo zbog više sile.

2) Pod višom silom podrazumijevaju se slučajevi koji se mogu pojaviti poslije stupanja Ugovora na snagu, a koji nisu pod kontrolom nijedne ugovorne strane, niti se objektivno mogu predvidjeti, a sprječavaju jednu ili obje ugovorne strane u ispunjavanju njihovih obaveza.

Član 10.
(Zaštita prava)

- (1) Sve eventualne sporove po ovom ugovoru, ugovorne strane će nastojati riješiti sporazumno, a ukoliko do sporazuma ne dođe, za rješavanje spora nadležan je Sud u Sarajevu.
(2) Na sva prava i obaveze ugovornih strana koja nisu regulisana ovim ugovorom, primjenjivat će se odredbe Zakona o obligacionim odnosima.

Član 11.
(Broj primjeraka ugovora)

- (1) Ovaj ugovor je sačinjen u 4 (četiri) istovjetna primjerka, po 2 (dva) za obje Ugovorne strane.
(2) Ugovor postaje punovažan poslije potpisa ovlaštenih predstavnika Naručioca i Dobavljača.

Član 12.
(Stupanje na snagu)


Ovaj ugovor stupa na snagu danom potpisivanja od strane ovlaštenih osoba Ugovornih strana.

NARUČILAC:
KANTONALNI STAMBENI FOND
SARAJEVO


Belma Barlov, dipl.ing.arh.

Broj: 02-03-790-4/20
Datum: 10.08.2020.godine

DOBAVLJAČ:
„ENERGOPETROL“, d.d. Sarajevo


Ante Aralica
IZVRŠNI DIREKTOR

Broj: PP 11000001 OPD-01/1019/2020
Datum: _____

BORIS BORČIĆ

020.11-345/20

19-08-2020

APDDE
LA 88
INTERIM

